





燕貽法錄序

前集中敎家法楹已極貽厥之術。
茲復得方定之家訓爲燕貽法錄。
附法楹而行也。夫子弟誠如陳長
文之興宗。則謝混韻語。柳郢王僧
虔誠書已足備法戒。烏用丁寧爲。

然父兄望子弟之思無已也。甲族
爭高德門侈大。寧獨如楊震以清
白見貽。而後之人偏罔若于訓。致
令不能忘牴牾。詎不肖性成。多見
其王家譽兒。癖成之。乃知譽兒惡
消息也。至消息之惡。雖丁寧又奚

爲伊川曰古也子弟從父兄今也
父兄從子弟從固隱譽之矣何不
還以法錄律父兄乎律父兄亦無
事深語但誠以讀書蓋子弟讀書
始能知告誠父兄讀書而後能以
告誠行于子弟自無譽兒之癖也

高謙之妻教諸子曰。自我爲汝家婦。未嘗見汝父一日不讀書。汝等各宜修勤。勿替先業。較王敬弘未嘗教子孫學問。各隨所欲。不猶賢乎。

仙臞何偉然題

廣快書卷十六

西湖何偉然仙臞纂

延陵吳從先寧野定

燕貽法錄

選方定之家訓易名

左氏之失也。誣好語怪而不能闕所疑也。然豈嘗誣善而羅織其辭乎。必不然矣。韓子懲其喪明。懼不爲史。失言哉。司馬之史。不虛美。不隱惡。世謂之實錄。史乎。史乎。迺若魏收之穢。張說爲

死者所料。千載有餘譏焉。使人謂文士無行。何以文爲。君子之說。不後駟馬矣。小人志于文乎。則韓子所懲惡。可不畏。

世人之貽厥孫謀也。必曰。和以致祥。莫不諄諄然矣。於兄弟則鮮能白首一心者。何以啓後人耶。夫婦時有反目者矣。事過則相愛如初。兄弟之相猶則藏而不忘。何不一推之也。

君子不苟得。不妄費。儉所以爲廉也。未有妄費。

而。不。苟。得。者。廉。而。不。儉。古。惟。王。陽。世。傳。能。造。黃。
金。其。然。哉。夫。有。道。者。禮。以。爲。閑。焉。用。多。金。縱。使。
能。造。而。以。滋。侈。耶。儉。德。之。共。可。以。持。身。可。以。率。
人。繩。祖。武。貽。孫。謀。其。必。由。是。乎。敗。德。敗。家。其。必。
由。侈。乎。侈。惡。之。大。戒。之。哉。紂。爲。象。箸。而。箕。子。唏。
毋。謂。是。奚。足。爲。快。也。云。爾。

天。不。能。貧。人。也。人。自。取。貧。耳。人。不。能。自。富。也。天。
能。富。人。耳。何。也。士。不。通。可。以。力。農。農。不。收。可。以。

訓蒙。古之賢哲。傭書賣卜。不耻爲之。非其義。雖
萬鍾何加焉。故曰。天不能貧人也。乃若終歲營
營。未必如願。士有不遇。耕有不獲。賈有不利。皆
有主之者。此天之所命也。富不可求。聖人豈欺
我哉。世之貪得而速貪者。吾見亦多矣。故曰。人
不能自富也。天人之交相勝也。於是乎徵之。
君子之居鄉也。善者好之。不善者惡之。此語其
常云爾。然聖人之言。匪一端而已。不曰一龍一

蛇。以存身乎。設有不善人焉。彼且爲狼翼。且爲
犬。瘼矣。而可逆其怒。以速其毒乎。讓可以馴暴。
忍可以濟橫。禮以輔義。遜以出之。親仁而汎愛。
避咎而下人。雖不能格。毋使作惡焉。庶幾免矣。
夫。

可以死而死。天福也。東家之不才子。夭。而其家
昌。此之謂福。可以死而不死。天罰也。西家之不
才子。壽。而其家敗。此之謂罰。死爲福。不死爲罰。

其賤惡之亦甚矣。不仁者而可與言。惕然而省。耶。則何敗亡之有。

姜岐盡讓田與兄岑。而以畜蜂豕爲事。已爲於陵仲子而忍。兄爲貪婪無厭。豈爲能弟者哉。如薛包不得已與弟分。而取其荒頓者。朽敗者。及弟數破其產。輒復振給。乃篤行君子矣。

文可以觀世也。巧言鮮仁。淫辭害善。阿辭不由衷。使觀者曰。文人則然。文乎。君子恥之矣。

文猶百卉之華也。夫百卉之華也。孰爲之哉。而
培之者。人事之弗齊。有上農中次之差焉。六經
諸子。五車萬卷。所以培之也。楊子雲教人爲賦。
使讀千首。此大匠之規矩也。如欲文之工。則無
他術。

張安世家。僮數百人。皆有技業。虞棕涪家富殖。
以奴婢無遊手。可則哉。霍家奴如馮子都者。宜
其敗矣。夫奴婢無遊手。則不爲非。非徒以殖其

業也。公卿之家猶爾。况士庶乎。

謝康樂之才也。以傲誕誅。非不幸矣。其孫超宗。稱有鳳毛。不能鑒前轍。而恃才使酒。多所陵忽。亦不得其死。夫小有才而不聞道。適足以殺其軀而已矣。孟氏之訓其有徵哉。

朱巨容冲有人認其犢。後得犢。慙以犢還。冲竟不受。余謂過矣。認犢可與。還犢可受。

何以息謗。曰。無辯。未可也。聞謗而自省。庶寡過。

乎則吾師也。而曰無辯以息之。無乃惡聞過乎。
圓覺謂若知我。空無毀者。是冥然悍然。不復有
思過之念。告子之不動心者也。故夫告子之學。
其流爲釋氏也。

齊景公涕出而女於吳。吳泰伯之後也。奚爲不
可婚。蓋夷之也。女思齊。吳爲起北門曰望齊門。
令女遊其上。女思不止而死。曰必葬我虞山之
巔。以望齊也。今虞山有齊女塚。夫女固從人者。

也。生而願爲之。有家爲太子波妃。何必死無亦。
恥其夷耶。然則虞山之塚。與青塚異矣。今之鬻。
門第而不恤其女者。有人哉。使女而齊。毋乃病。
諸。

汜稚春不蓄門人。而虛懷開誘。以三隅示此真。
好修者也。異乎世之揭竿而建旂者。

宗族以禮義敦睦相尚。此可稱故家。如以富挾。
以貴挾。以衆挾。皆薄夫也。南北阮今孰多耶。

好譏評文章。自是小夫淺態。縱使管窺毛吹。偶有所見。猶在君子之後。況未得作者之意。未讀古人之書。撮蚤而不見泰山者乎。夫容露下落。雅所不愜。鳥鳴山更幽。謂不成語。起羞惟口。駟不及舌。衙官屈宋。傖父陳思。於古人何傷已。則不知量矣。

舊家子弟。使人不樂與。曰吝。曰陋。此好消息也。使人稱之。曰慷慨。曰倜儻。此惡消息也。雖然。見

義勇爲臨財能讓乃佳子弟矣

古之佩也如韋如弦有取焉耳。今乃冠玉以爲觀美而曰玉不去身以比德焉。古之道也。道豈在是哉。吾聞惡衣敝矣。聞珠玉猶戴土矣。未聞玉之不可去也。是士而治者也。女而治猶可言也。吾見倚市者矣。士而治何可言也。

讀史睹古哲人之迹。思企而及之。曰彼何人也。吾惡可不如彼也。斯可與讀史矣。無論三代以

上。聖不可知。大而化之者。卽如張子房。其帷幄
運謀決勝千里。不可幾及也。其脫屣辟穀成功。
不居。不可希乎。諸葛孔明。其名成八陣。功蓋三
分。不可勉而爲也。其廩無餘粟。庫無餘財。不可
則乎。范仲淹。其胸中十萬甲兵。所不可能者也。
其先憂後樂。爲之在我。不當以自期待乎。有志
者。毋徒諉焉而自畫也。見賢而不思齊。見不善
而不自省。卽淹貫百氏。何以異於庸衆人哉。

袁元祖道韓康伯云。門庭蕭寂。居然有名士風。
流。今之門如市者。自視得意耳。安可使有識者
見也。

華子魚遇子弟甚整。間室之內。嚴若朝典。陳元
方兄弟恣柔愛之道。而二門之裏。兩不失雍睦
之軌。若以閑有家之訓律之。則嗃嗃爲吉。嘻嘻
爲吝。華氏乃可則也。家人有嚴君焉。而家道正。
易之旨遠矣。

太白讀書匡山。十年不下山。潯陽獄中。猶讀雷
侯傳。以彼仙才。苦心如此。今忽忽白日。嚶嚶古
人。是自絆而希千里也。

伊川云。古也。子弟從父兄。今也。父兄從子弟。伊
川之生。宋之盛也。而俗之下。乃爾。然此係于世
之升降。而家之盛衰。亦可占矣。從父兄者。家必
昌。從子弟者。家必替。

韓退之登華。幾不能返。猶可也。庾袞太行失足。

遂至隕命。此可爲遊山好奇者之戒。幽人坦坦。
何非天遊乎。

杜子美立朝之日殊淺。其獻賦時。思霑微祿。買
薄田而不得。將軍不好武。苔臥鎗。雨拋甲。天下
晏然。豈慮危亡耶。及爲拾遺。逍遙供奉。其時上
皇在蜀。京邑初復。干戈方事。而掖垣諸作。宛貞
觀開元間耳。方從容語笑。未有四郊多壘之憂。
有喜無補也。乃至艱難奔走。皮骨空存。而裁詩

遣悶。無非憂國忠君之辭矣。孟子所謂空乏拂亂。所以增益人者。不旣多乎。然則子美之窮。非徒益工于詩也。君子觀于此。可以固窮矣。可以讀西銘矣。

謙美德也。足恭而媚于世。君子恥之。是以雅言禮也。恭而無禮曰足恭。好謙而惡鄉原。知德者辨之矣。易之撝謙。傳曰。不違則也。不違乎禮。斯謙謙君子矣。謙曰謙謙而撝焉。聖人之貴謙也。

若是可不務乎。謙謙而撝焉。懼其過而至于足也。故申之曰。不違則恭。近於禮。所以遠恥也。喪不欲毀。故至哀而止。勉而瘠。則僞也。僞以事親。惡乎不僞。

與正人爲朋。其爲人鮮不正矣。與邪人爲朋。其爲人鮮不邪矣。乃曰。吾非不知其人。姑用其才。是以貔貅之爪牙。而自附于不踏生草之仁獸可乎。

知伯爲室美。士茁曰。土木勝。懼其不安人也。卿大夫猶云。况士庶乎。夫室美而能安者。吾見亦鮮矣。東西家皆可鑒也。

昔之貧士有吞紙實腹。抱犬而眠者。猶不廢業。道有遺金。不肯拾也。此真百世之師。貪夫可廉。懦夫可立矣。雖然。士有帶經而鋤。負薪而讀。魚鹽版築。皆可以藏器而待時。所以早辨也。

孔子曰。遠佞人。又曰。見惡人。夫惡人猶可見者。

哉。言天下之惡。未有甚于佞者也。昔宋元公惡
寺人柳。欲殺之。比立有寵。已惡之而已。寵之何
也。始也未近而終則未遠也。夫惡之甚者。猶不
能覺。而况所習者乎。知人之難。自昔志之。知之
而不能遠。其何諉焉。故大學之傳曰。過也。
管幼安。或人牛暴其田。爲牽牛涼處飲食之。苟
能勉希往哲。安有禮讓不興者。

晉書論其風俗淫僻。婦女莊櫛織紵。皆取成於

婢僕未嘗知女紅絲枲之業。中饋酒食之事。夫
此閨中細務耳。而以爲關繫天下亂亡之由。胡
可忽也。

遠公老而講論不輟。執經諷誦。詞色甚苦。雖非
會道。可以愧逢衣之不學。而空談欺世者。

君子之居鄉。使不善者薰而格焉。上也。其次隱
惡而揚善。可以避咎。王烈之鄉人曰。寧爲刑罰
所加。毋爲王君所短。是所遵何德。毋亦至誠以

動物然乎。今德未能如烈。競競自力。庶可也。惡暇方人。

萬石君之恭慎也。世談其美。而田司直次三河太守。則石氏與焉。以誅死。萬石之風替矣。房玄齡集古今家誡。以訓後人。而子遺愛以誕誅。柳氏自公綽數世。以禮法稱。家訓甚嚴。而孫璨瑀。瑀以逆誅。夫成立之難。覆墜之易。可不念哉。董仲舒對策。若有神助。此自下帷不窺園得之。

楊子雲教人作賦。云熟讀古賦千篇。杜子美云。讀書破萬卷。又云。須讀五車書。自古文章宗工。更無別法。

司馬德操之處亂世也。旣明且哲。君子哉。人有以人物問者。每輒言佳。其婦不然之。乃曰。如卿言亦復佳。其慎密如此。而李杜諸賢以臧否取禍者昧矣。人有臨蠶求簇箔者。自棄其蠶而與之。或問之曰。人未嘗求我。求之不與。將慙何有。

以財物令人慙者其公人已如此。而子夏之不可假蓋者隘矣。人有稱之于劉表者。表見之曰。世間人妄語。此直小書生耳。其韜晦如此。而龔君賓以蘭膏自煎者。非其徒矣。若人者。雖之貊蠻。無不得也。而况州里乎。

史載陶侃母湛氏。截髮供客事。以爲美談。曰。非此母不生此子。可謂有智筭矣。余殊不取其客與其子也。夫范逵與侃同郡。寧不知其家酷貧。

乃冰雪投宿僕馬甚多使其毋截髮供之何其
怵也侃送客百里猶不返匪德行是依乃欲干
仕進耳自道觀之宜目之市交胡可稱也君子
在旅而貞不宜煩人在困而亨不宜附人故客
如郭林宗者賢矣吾不與達主如毛容者賢矣
吾不與侃

公儀子拔葵去織婦相傳以爲美談孟獻子所
謂以義爲利者也吾每至官舍有閒土輒令家

人種蔬。乃績事。則室人未嘗廢也。自謂以希公
儀子耳。士之處世。用之則可爲卿相。不用則可
布衣。惡得不知稼穡耶。如其取諸人以自給。則
奚所不至。

常評事明卿。自謂得彭老術。神仙可致。而馳馬
墮水。刃出于腹而死。年僅三十餘耳。天攝生者
宜然耶。然御內術。惡可仙。卽不墮馬。亦當以酒
色夭耳。

士未遇。則曰豈是蓬蒿人。得位。則曰何由返。初服左遷。則曰幸茲謫夫。雲霄與蓬蒿有宰之者。初服與返。則由已耳。何曰何由謫以爲幸。胡不早退。此言之不近義。不由衷者。非君子之言也。君子於其言。毋苟哉。何日霑微祿。歸山買薄田。杜以稷契自許者。亦爲此語。可謂失言矣。士如干祿買田而已。何以盡職。志士不忘溝壑。非爲處約也。錦衣可褫。肉食可藿。操不可拔也。饑附

飽飛士也鷹乎。

祠苟完。有餘力。則置田供祀外。可以周急也。然
須量給之。使耕獲焉可也。若遊閒如故。而素飽。
不恥適以滋其不才。豈所以閒家哉。行小惠慕
虛名。君子不爲也。惟乳獨不能力作者。則計口
濟之。

謂小善爲無益而弗爲。其大者曰。非所能爲也。
則何時爲善。謂小惡爲無傷而不去。其大者將

曰是亦小耳。則何惡不爲。吉人爲善如不及。見不善如探湯。無小大也。

語曰。家有常業。雖饑不餓。夫無常業者。遊民也。豈惟不免於餓。放僻邪侈。無不至。而刑戮隨之矣。可不戒哉。古之志士。帶經而鋤。負薪而讀。固貧者之業也。奚足恥也。士而恥貧。不足以爲士矣。貧而無業。不可以爲人矣。

公西華之養親也。若與朋友處。曾參之養親也。

若事嚴主烈君。此殆其親之性。嚴與和不同也。
世俗之情。若以公西華之親爲慈者。吾見其人
矣。其後率以驕縱敗易。以嚴君嗃嗃爲訓。以婦
子嘻嘻爲戒。閒有家者。可不慎哉。伯禽三見周
公。而三被撻。使非太公示橋梓之義。則撻未已
也。周公豈非慈父哉。

平原君之貴。不能強子高酒。吾未見不嗜酒而
醉者。

郁離子言。人而不死。則天地間無所容人矣。死而皆爲鬼。則天地間無所容鬼矣。故人有仙。仙有死。死有鬼。鬼有散。此其論知死生之說。得鬼神之情狀矣。乃今之言金丹不死者。匪獨庸人也。高明名士。多好之。或傾家亡身。而不悟。淫祀求福者。匪獨婦人也。搢紳大夫。篤信之。乃願爲僧巫輩。嚆矢而不辭。彼亦何至於是哉。由學術不明。人心不正。而利之陷溺人。一塵之眯目。遂

不見嵩華耳。可不戒與。

馬融云。我輩仕途。不及村野之人。雞豚社飲。足以自樂。此真語也。昧者不覺。利令智昏耳。士恒念此况味。庶能輕視軒冕。不役役於要津矣。縱未卽拂衣。豈不綽然有裕哉。

杜子美飄泊遠遊。陶元亮固窮三徑。稱貧宜矣。今或厚積深藏。自陳甕乏。終歲干謁。曾無厭足。殊甚於墻間之乞。方且施施得意。不止私驕其

妻妾而已。安得齊人之室。猶能訕其若此。羞而泣乎。秦以來。士日益賤。苟能惕然於平旦。可與立矣。

稽仲散不喜作書。然自云。犯教傷義。第性不能勉強耳。陸放翁云。四方書疏。畧不復遣。有來者。或守累日。不能報。無貴賤親疎之間。夫二子之於養生。則得矣。禮有施報。惡得以懶爲真。人誰諒之。吾有稽之懶。而每以陸自恕。盖嘗有久交

者猶不能無嗔。行止固不足計。何可謂有禮而無失也。小子戒之。君子以友輔仁。必有隣也。然群而不黨。居身之珍。乃得之矣。

齊王好射。引弓不過三石。而終身自以爲九石。顧愷之好自矜伐。諸年少因相稱譽以爲戲弄。夫人好人譽已。而爲所戲弄者多矣。苟知譽我者爲戲我。庶幾佞人可遠耳。

溫公讀書堂。其言寶惜書卷詳矣。後生所當知。

也。看書以指爪撮起。猶不可。况撥書而眠乎。書亂誰能帙。子美第自狀其老困耳。然萬卷已破。客至始罷。蓋無不讀時也。今情遊子手旣未觸。紙已生毛。何必鬻及借人爲不孝哉。

大夫不爲場園。士不通財貨。古也。古也有世祿。有恒產。故公明儀拔園葵去織婦。不與民爭利。今也不然。國不可以不理財。家不可以不治生。國不能理財。則以四海之富而患不足。家不能

治生則仰事俯育無以瞻也。是故有土間而蕪之則惡其棄。奚不爲焉。公父文伯之母猶纘。孔子稱之。張安世之家無遊惰。是以七葉弭貂而不替。其可則也。豈若霍家子都乎。儉以成廉。積而能施。君子哉。

晏子曰。嗇者君子之道。吝愛者小人之行。夫嗇與吝相類也。一以爲嗇。一以爲吝。孰爲明之。余嘗有儉吝之辨。觀之其所取予而已矣。不苟取。

不妄費儉也。知取而不知予。吝也。故廉者必儉。卽毀之曰吝。寧傷其廉。貪者必吝。卽居之曰儉。寧掩其貪。今之有志于禮者。無違禮以徇俗。斯大過人哉。

齊沈麟年過八十。手寫書滿數十篋。徐廣年過八十。猶歲讀五經一遍。陳瓚年逾九十。猶勤筆研著經史系華十卷。吾雖不能爾。然不廢披閱。李琰之云。非爲聲名勞七尺。但異見異聞。心之。

所願耳。意正爾爾。

在官言官。在朝言朝。則在野言野矣。劉勝之慎密杜密之請託。是非較然。史之論謬耳。

王景文非惟風流可悅。乃哺啜亦復可觀。夫儀範豈細故哉。曲禮幼儀。故不可不習也。

退之之子昶。不辯金根。通人固有遺忘。不足爲訾。遂改根爲銀。乃可誚矣。書旣未能博覽。安可妄改。太白一忝青雲客。改忝爲忝。子美荆門。鄭

薛改門爲朋。江鮑堪動色。改鮑爲鮑。三子者。一爲侍御。一爲學憲。一爲北部。當時若論胄胤。不以爲名家克肖耶。何以誚昶。

君子所貴。動容貌。斯遠暴慢。故可則也。江左張氏之修儀範。曳步仰首。盡詳緩之致。其與孫壽折腰妖態。亦復何異。褚彥回能遲行緩步。便得宰相。王儉以風流宰相自擬。乃其解散幘斜挿簪。無亦梁冀折上巾之類耶。荀子曰。亂世之徵。

其容婦此江左之所謂風儀也。君子恥之。

闕黨之漁有親者取多。伯禽之澤也。秦人父借鋤而子德色。商鞅之政也。夫父子之親君子不以天下儉也。而不能通于一鋤。人道息矣。二世而亡非速也。里之親猶已之有親。而親其親可知矣。觀於此而孝弟之心不油然而興乎。王道伯功奚啻千里。

邴原在遼。好以清議格物。管寧密令西還。曰。潛

龍以不見爲德。言非其時。招禍之道也。幼安之
識遠矣。自非善人。何可盡言。金人之銘。所以三
緘其口也。慎之哉。

陳子昂以百萬市胡琴而碎之。以賈聲華。志士
猶恥之。而崔烈以五百萬衰減聲譽。何其不智
也。三公之位。銅臭之恥。孰輕孰重。其狼疾人哉。
杜祁公爲相。食惟一麪一飯。曰。衍本一措大爾。
一旦去位。却爲一措大。大哉言乎。夫士可貧可

賤。可富可貴者。大丈夫也。彼食前方丈。爲得志者。孟氏藐之宜矣。

愚公者。以犢易駒。少年持駒去。曰。牛安能生馬。公與之人。皆以爲愚。故號其谷曰。愚公谷也。夫此公智矣。非愚也。管子知之矣。故曰。此夷吾之罪也。夫知獄訟之不正也。使獄訟正。則少年不敢肆。而公可無愚矣。夫管子爲政。而公猶愚。則何可勿愚乎。孰吏而管子乎。且使吏而管子也。

一駒何有。而與之對吏乎。故曰愚公智矣。非愚也。後世可爲楷者也。事固有什百于一駒者。以駒視之可也。

中山狼傳者。有心哉狼也。世固多有之。不足異也。狼始出囊。遽張爪牙。乃逢丈人。卒也囊之。狼也。狼而未黠也。猶幸也。使其感恩矢報。信而昵之。且厭其腹而不知矣。彼丈人者。亦何能拯之乎。嗟乎。世之以狼爲可親而信其不負者。不鮮

矣。有子曰。因不失其親。何可不慎也。

古之人恥獨爲君子。夫舉世濁而已獨清。君子有中立不倚而寧違衆者。故曰。獨復以從道也。安能不爲君子以阿世乎。所謂獨爲君子者。臨深以爲高。巧爲長而形人短。是以恥之也。斯人也。難以免。安可爲君子。君子與人爲善。善誘而不念其舊。使不仁者格。此之謂不獨爲君子。明則不疑。疑則不明。疑者德之賊也。以疑爲明。

入于暗矣。而曰予智。君子所以惡于智也。信則必孚。誠則必動。大度者先覺。家國天下皆然。士任天下之重。所貴者量。何以養量。曰識。何以廣識。曰窮理。理明則識進。識進則量進。量進則福進。

匹夫可與天地參也。奚必在位。一言合天理。是爲代天言。一事循天理。是爲代天工。夫士之任豈不重哉。亦曰尚志而已矣。

子曰。君子成人之美。互鄉之童子。與其進也。聖人之求于人者。輕矣。然猶曰。善人不得而見之。孟子喜樂正子之爲政。至于不寐。以其好善也。當其時。豈惟善人之難。卽好善者亦難矣。甚哉。其所遭之難也。然君子之爲善。豈以世之滔滔者而改其度哉。風雨如晦。雞鳴不已。可以人而不如禽乎。盖聞昔有好善者。旦旦而祝曰。願天生善人。願人行善事。有心哉。其人也。夫於衆人。

則願之而有。不願之。其子若孫者乎。蘇長公願其兒爲公卿。蓋戲之也。吾所願爾曹者。非此之謂也。勉爲善而已矣。

燕財法金

卷十六

三





